



KOMUNIKADO PA PRENSA

Fecha

15-10-2017

Accountmanager

Jhanirha Da Costa Gomez-Anita

Email

jhanirha.anita@gobiernu.cw

Domeinbeheer trahando duru huntu ku Minister Zita Jesus Leito riba bibienda pa Kòrsou

Willemstad- Durante último lunanan Minister Zita Jesus Leito a bin ta mobilisá den Ministerio di Trafiko, Transporte i Planifikashon Urbano (VVRP) di forma aktivo pa solushoná retrasonan ku tin influensia negativo riba bibienda pa pueblo di Kòrsou. Den kuadro di esaki, Minister Jesus Leito ya a traha unanimemente ku Domeinbeheer pa segura ku esnan ku ta riba lista di espera ta legítimo. Alabes ta trahando riba proyektonan pa krea bibienda pagabel pa tur klase, sin hasi distinshon di e persona di ménos rekursu ku tambe ta deseá pa tin su propio kas.

Segun Minister Jesus-Leito a deklará anteriormente i ta sigui para p'e: "Mi prioridat number 1 ta bibienda pa pueblo. E meta prinsipal p'esei ta pa Gobièrnu saka mas tereno i permit pa konstruí mas kas pagabel i den forma aselerá. Nos ta traha pa realisá esei, apesar di tur nos limitashonnan." Den koperashon estrecho ku Domeinbeheer Minister Zita Jesus Leito a pone atenshon tambe pa proyektonan Public Private Partnership (PPP) kaminda sektor privé huntu ku Gobièrnu ta traha riba bibienda básiko pagabel. Esaki hustamente ta sostené Minister su deseo pa krea un efekto tambe riba desaroyo ekonómiko poniendo e enfoke riba bibienda. Den un grupo di trabou speshal Domeinbeheer ta trahando duru pa evaluá i aselerá proyektonan di bibiendanan PPP ku tin den tapara pa pueblo.